

# 1 თებერვალი

რიგითი ჟამის III კვირა [III], მწ

შაბათი

2025

(19.1) წმ. ღირსი ანტონ მესვეტე,

მარტომყოფელი, VI ს

ებრ 11,1-2.8-19; საგ. ლკ 1,68-75; მარ 4,35-41

უთხრა ზღვას: დადუმდი, ჩადეე! მარ 4,39

იესო, ჩემი გული ზღვას ჩამოჰგავს: ზოგჯერ  
ტალღები ისე აზვირთდებიან და ბობოქრო-  
ბენ, რომ ვერ ვუმკლავდები. გამაგონე შენი  
ხმა იმ წუთებში, ხმა ჩემი შემოქმედისა და  
მამისა, ჩემი მხსნელისა და უფლისა. ჩემს  
გამოც კიდევ ერთხელ გაიმეორე: დადუმდი,  
ჩადეე! გმადლობთ, იესო!

# 2

# თებერვალი

კვირა

2025

უფლის ტაძრად წარდგენა  
(მირამა), დ, [ს], თ

მალ 3,1-4; ფს 23; ებრ 2,14-18; ლკ 2,22-40

ბერ-მონაზონთა დღე

ასლა კი გამიშვი, ბატონო,  
შენი მონა მშვიდობით ლკ 2,29

ეს მნიშვნელოვანი წუთებია მარიამისა და იოსების ცხოვრებაში. მათ ტაძრად მიიყვანეს იესო, ღმერთისთვის მისაძღვნელად. იქ დახვდათ სიმეონი, ვისაც ღმერთმა აღუთქვა, რომ არ მოკვდებოდა ვიდრე თავის მესიას არ იხილავდა. ყრმა იესოსთან მიიყვანს სიმეონს სულიწმიდა, ის ხელში აიყვანს მას, აკურთხებს მაღალ ღმერთს და ყრმას „ხალხის სინათლედ“ აცხადებს; ამიტომაც, მოგვაქვს დღეს ანთებული სანთლები.

# 3 თებერვალი

რიგითი ჟამის IV კვირა [IV] მწ

ორშაბათი : წმ. ბლამი, სებასტეს ეპისკოპოსი,  
წამებული +~316ს.;  
2025 : წმ. ანგარი (ოსკარი), ჰამბურგის ეპისკოპოსი  
+865.

ებრ 11,32-40; ფს 30; მარ 5,1-20

უთხარი მათ, რა გიყო ღმერთმა მარ 5,19

ზოგჯერ ვერავისთვის გაგვიმხელია ცხოვრებაში განცდილი უფლის სიყვარულის ნიშნები ან სულაც გულის რომელიმე კუნჭულში გვაქვს მივიწყებული... ეს ის მარცვლებია, რასაც დათესვის შემდეგ, კვლავაც შეუძლია ახალი სინათლის, სიხარულის, სიმშვიდის ნაყოფის გამოღება, ჩვენში და ჩვენს ირგვლივ.

# 4 თებერვალი

სამშაბათი :  
2025 :

რიგითი ჟამის IV კვირა [IV] მწ

ებრ 12,1-4; ფს 21; მარ 5,21-43

მათ ღიღად გაუკვირდათ მარ 5,42

მათ იხილეს, რომ იესომ ხელში აიღო მკვდარი გოგონას ხელი და უთხრა: „ადექი!“, მანაც გაუგონა. მექსიკაში, გვადალუპეს ტაძრის სანაწილეში, წლების წინ, ორი საათის მანძილზე ცოცხალი გულივით ფეთქავდა ჰოსტია, კიდევ ერთი „დიდი საკვირველება“! გმადლობთ, იესო, შენს მიერ ბოძებული ნიშნებისთვის!

# 5 თებერვალი

რიგითი ჟამის IV კვირა [IV]

ოთხშაბათი :

2025 :

წმ. აგათა, ქალწული და წამებული,  
+ 251 კატანიაში (იტალია), (მ), წ

ებრ 12,4-7.11-15; ფს 102; მარ 6,1-6

გაფრთხილდით, რომ არაფინ წაგართვათ  
ღვთის მადლი ებრ 12,15

ვერავინ მოგვაკლებს ღმერთის მადლს: მისი სიყვარული მზის შუქივით გვეკვრის. ვიფხიბლებთ, რათა ჩვენი გულის „საკეტები“ ყოველთვის ღია იყოს. ვერანაირი სიტყვა ვერ დაიკავებს ღმერთის სიტყვის ადგილს ჩვენში! ვიფხიბლებთ!

# 6 თაბერვალი

რიგითი ჟამის IV კვირა [IV]

ხუთშაბათი :

2025 :

წმმ. პავლე მიკი და მეგობარნი, წამებულნი,  
+1597 ნაგასაკიში (იაპონია), (მ), წ

ებრ 12,18-19.21-24; ფს 47; მარ 6,7-13

მისცა მათ ხელმწიფება არაწმიდა სულებზე მარ 6,7

ერთ მეგობარს ვიდეო თამაშები იტაცებდა. სულ მალე მიხვდა, რომ მასზე იყო დამოკიდებული, ამიტომაც, გადაწყვიტა მხოლოდ ნახევარი საათი ეთამაშა შუადღით და საღამოს. ერთი სული ჰქონდა მალე დამდგარიყო ეს დრო: უკვე ველარ ძლებდა მის გარეშე. რცხვენოდა, მაგრამ თავს ვერ ერეოდა. მაშინ, დამოუკიდებლად დაიწყო ლოცვა თავის უძღურებაზე, თუმცა უშედეგოდ. მხოლოდ მაშინ გათავისუფლდა მისგან, როცა თავი დაიმდაბლა და მღვდლისგან კურთხევა გამოითხოვა.

# 7 თებერვალი

პარასკევი :  
2025 :

რიგითი ჟამის IV კვირა [IV] მწ

ებრ 13,1-8; ფს 26; მარ 6,14-29

არ მიეტოვებ და არ დაგეგდებ ებრ 13,5

ღმერთი გვაიმედებს იმით, რასაც ებრაელთა მიმართ წერილის ავტორი გვიმეორებს, რომ გაგვამხნეოს გასაჭირში მყოფთა მიმართ გულუხვობაში, სტუმართმოყვარეობაში, გულისხმიერებაში. ეს დაპირება ჩვენს ხელებს და ჩვენს გულს ათავისუფლებს მომავალზე ეგოისტური და სულშემხუთავი ზრუნვისგან და დღევანდელი დღის სიყვარულში შევყავართ. რამხელა სიმშვიდე, თავისუფლება და სილამაზეა!

# 8 თებერვალი

შაბათი  
2025

რიგითი ჟამის IV კვირა [IV] მწ

(26.) წმ. დავით აღმაშენებელი, XI-XII სს;  
წმ. იერონიმე ემილიანი, +1537 სომასკაში  
(იტალია); / წმ. იოსებინა ბახიტა, ქალწული,  
სუდანელი მონა, შემდგომ მონაზონი +1947  
სკიოში (იტალია).

ებრ 13,15-17.20-21; ფს 22; მარ 6,30-34

წამოდით უდაბურ ადგილას მარ 6,31

რარიგ კეთილი ხარ, უფალო იესო, შენი მოწაფეების მიმართ, ვინც შენთან ერთად იღვწის! შენ ხედავ მათ გარჯილობას და დაღლას, ისწრაფვი მათ შეწევნად, გასაძლიერებლად, შენთან ერთად განსასვენებლად. გმადლობთ სიახლოვის იმ ძლიერი წუთებისთვის, რასაც ჩვენთვისაც გამოყოფ.



# 9 თებერვალი

კვირა

რიგითი V კვირადღე, «გ», [I], მწ

2025

ეს 6,1-2.3-8; ფს 137; 1კორ 15,1-11; Lc 5,1-11

დიაკ. ანტონ ხითაროვის გახსენება (+2022)

მიატოვეს ყველაფერი და გაჰყვნენ მას ლკ 5,11

ასე იქცეოდნენ იესოს მოწაფენი, რომლებიც მოციქულებად იქნენ არჩეულნი: იხილეს სასწაული, სასწაულებრივი თევზაობა... ჩვენც ვნახეთ სასწაული: ჩვენდამი მისი სიყვარული, ჯვრამდე სიკვდილამდე, ჩვენს გადასარჩენად. ამიტომაც, სიხარულით ვტოვებთ ყველაფერს – ჩვენს იდეებს, ჩვენს ანგარებას, ჩვენს მოტივაციებს, რამაც შეიძლება გული დაგვიხშობს მის მოწოდებაზე – და მივყვებით მას, მხოლოდ მისით ვართ კმაყოფილნი. გმადლობთ, იესო!

# 10 თეზერვალი

რიგითი ჟამის V კვირა [1]

ორშაბათი :

2025 :

წმ. სქოლასტიკა, ქალწული, მონაზონი, წმ. ბენედიქტეს და +~547 მონტეკასინოში (იტალია), (მ), თ

დაბ 1,1-19; ფს 103; მარ 6,53-56

თქვა ღმერთმა: იყოს ნათელი! დაბ 1,3

ბიბლიის პირველ გვერდს ვშლით და ვკითხულობთ, რომ ღმერთმა შექმნა ცა და მიწა.

ყველაფერი უფორმო და ბნელით იყო მოცული. განაგრძო რა სამყაროს შექმნა, ღმერთმა თქვა: „იყოს ნათელი“.

ნათლით დაიწყო შეცნობა ყოველი სილამაზის და საზრისის:

მთების, მცენარეების, ყვავილების, ცხოველების, ცის, ვარსკვლავების... გმადლობთ,

მამაო, რომ შეგვექმენი სამყაროში, ჩვენს საერთო სახლში და კვლავაც ეხმარები მას,

ჩვენი პასუხისმგებლობის გზით!

# 11 თებერვალი

რიგითი ჟამის V კვირა [1], მწ

სამუშაოთი

2025

(29.1) წმ. აშოტ დიდი კურაპალატი, წამებული,  
+826;  
ღურდის ღვთისმშობელი (უმანკო ჩასახება) 1858

დაბ 1,20 - 2,4; ფს 8; მარ 7,1-13

სნეულთა დღე

ოსტატურად აუქმებთ ღვთის მცნებას მარ 7,9

იესო იუდეველ მღვდელმთავრებს ესა-  
უბრება, ჩვენც ასევე ვთვალთმაქცობთ, როცა  
ღმერთის სიტყვას გვერდს ვუვლით და ვუხ-  
ვევთ, ოღონდ კი ჩვენს გემოზე ვიცხოვროთ,  
ჩვენი ანგარებები და გატაცებები დავიცვათ.  
ნამდვილი ეშმაკობა კი ჭეშმარიტი სიკეთის  
არჩევანა, ანუ იმისა, რაც უფლის თვალში  
მოსაწონია. მან ჩემზე მეტი იცის: ამიტომაც  
დავყვები მის სიყვარულს.

# 12 თებერვალი

ოთხშაბათი :  
2025 :

რიგითი ჟამის V კვირა [1], მწ

დაბ 2,4-9:15-17; ფს 103; მარ 7,14-23

მისმინეთ ყველამ მარ 7,14

იესომ მოკლე იგავი მოჰყვა იმის ასახსნელად, რომ არცერთი საკვები არ ბილწავს კაცს, ანუ ღმერთთან მიახლოების უნარს არ ართმევს. პირიქით, გულიდან გამომავალი ბოროტი ზრახვები აშორებს ადამიანს მისგან. ასე გამოაცხადა იესომ ყველა საკვები სუფთად. ასე შეძლებენ ებრაელი ხალხიდან და წარმართებიდან წამოსული მორწმუნეები ერთად მიახლებას უფლის სუფრაზე, თავიანთ ძმობაში დაეჭვების გარეშე.

# 13 თაბერვალი

ხუთშაბათი :  
2025 :

რიგითი ჟამის V კვირა [I], მწ

დაბ 2,18-25; ფს 127; მარ 7,24-30

მივიღა და დაემხო მის ფერხით მარ 7,25

როდესაც გულში სიყვარული, თავმდაბლობა და რწმენა სუფევს, ყველა დაბრკოლება გადაილახება. მხოლოდ იესოს შეეძლო გაეძევიებინა ეშმაკი ქანაანელი დედაკაცის ასულიდან. ასე იტყვის თავის თავზე იესოს წინაშე: „ძალლებიც ხომ ჭამენ ტაბლის ქვეშ შვილების ნასუფრალს” . ამ სიტყვებით თავისი მდაბალი რწმენა აჩვენა, და იესომ შეისმინა მისი.

# 14 თებერვალი

პარასკევი : წმ. კირილე, ბერი +869 რომში და ძმა მისი  
: წმ. მეთოდი, მორავიის ეპისკოპოსი +895  
2025 : ევროპის მფარველნი, ღ, [ს] 0

საქმ 13,46-49; ფს 116; ლკ 10,1-9

არაფინ მო-იუთხოთ ცხაში ლკ 10,4

იესოსაგან წარგზავნილ სამოცდათორმეტს გადაუდებელი მისია დაეკისრა: ორ-ორად მიავლინა ყველა ქალაქსა და ადგილზე, სადაც თავად აპირებდა იესო წასვლას. დრო არ უნდა დაკარგულიყო მეტ-ნაკლებად უსარგებლო წესებზე ...

წმ. კირილე და წმ. მეთოდე, დაუცხრომელო მუშაკნო და ჩვენო მფარველნო, მოგვანიჭეთ თქვენმიერი სიბეჯითე ღვთის სასუფეველის სამსახურში და იესოს უწყებაში.

# 15 თებერვალი

შაბათი  
2025

რიგითი ჟამის V კვირა [1], მ5

დაბ 3,9-24; ფს 89; მარ 8,1-10

მეცოდება ეს ხალხი მარ 8,2

იესო, შენ მამობრივი და დედობრივი სიყვარულით ხედავ ჩვენს რეალობას. როგორც ოდესღაც ბრუნავდი იმ ბრბოზე, რომელიც დღეების მანძილზე უკან მოგყვებოდა შენი სიტყვის მოსასმენად, დღესაც მზად ხარ იბრუნო მათ საჭიროებებზე, ვინც შეგიყვარა. მრავალგზის ეჩვენე მათ კეთილ მწყემსად. მადლობა თანაგრძნობისთვის.

# 16 თებერვალი

პვირბ

რიგითი VI პვირბდღე, «ბ», [1], მზ

2025

იერ 17,5-8; ფს 1; 1კორ 15,12.16-20; ლკ 6,17.20-26

ნეტარნი ხართ, ელასკანი,  
ვინაიღან თქვენია ღვთის სასუფეველი ლკ 6,20

გმადლობ, იესო, რამეთუ იმდენად შემიძლია მოგენდო შენ და ზეციერ მამას, ვინც გამაცანი, რომ საკუთარ თავზე აღარ ვიფიქრო. მე შემიძლია შენ მოგანდო ჩემი მატერიალური და სულიერი საჭიროებები, ჩემი ჯანმრთელობა და ჩემი უნარები, და ამ გზით მთელი არსებით და სიხარულით ჩავდგე შენი სასუფეველის მსახურებაში.



# 17 თებერვალი

რიგითი ჟამის VI კვირა [II], მწ

ორშაბათი :

2025 :

(4.11) წმ. ღირსი ევაგრე მღვიმელი VIს, მონაზონი;  
ნ. ქ. მარიამის მსახურთა ორდენის 7 დამფუძ-  
ნებელი

დაბ 4,1-15.25; ფს 49; მარ 8,11-13

მ. სიმონ კლიმაშევსკის გახსენება (+2006)

ამ მოღვმას ნიშანი არ მიეცემა მარ 8,12

როცა მამას შვილობრივი, მაღლიერი და სანდო გულით მივმართავთ, მზად ვართ მისი საყოველთაო სიყვარულის გასავრცელებლად, და მაშინ ყოველივე მის სიყვარულზე ილაპარაკებს: მზე და წვიმა, ყვავილები და მთები, მეუღლის მიერ მორთმეული დილის ყავა, ღამით ბავშვის დაძახება, თავისდა უნებურად მოწუწუნე ბებია ... ჩვენ კი მთელი გულით განვადიდებთ მას!

# 18 თებერვალი

სამუშაოთი :  
2025 :

რიგითი ჟამის VI კვირა [II], მწ

დაბ 6,5-8; 7,1-5.10; ფს 28; მარ 8,14-21

გაკეთა ნოემ ყოველივე,  
რაც უბრძანა მას უფალმა დაბ 7,5

ნოე სხვებივით არ მოქცეულა. მისი სამართლიანობა, – ანუ ღმერთისკენ მისი შემობრუნება, როგორც თავს შემოქმედზე მინდობილი და მისი დამყოლი ქმნილების – ის არხი იყო, რომელიც ღმერთის მოწყალებას ატარებდა და ცოდვის დამღუპველ შედეგებს ახშობდა. ასე განიწმინდა და გადარჩა სიცოცხლე დედამიწაზე.

# 19 თებერვალი

რიგითი ჟამის VI კვირა [II], მწ

ოთხშაბათი :

2025 :

(6.11) წმ. ღირსი არსენ იყალთოელი +1127,  
მონაზონი

დაბ 8,6-13.20-22; ფს 115; მარ 8,22-26

ჩაკვიდა ზრმას ხელი, გაიყვანა იგი სოფლიდან მარ 8,23

ბრმა ენდობა იესოს, ნებას რთავს ბნელშიც  
გაყვეს, სადაც იესომ ისურვა და დაიბრუნა  
თვალის ჩინი. იესო, შენც გინდა გამიყვანო  
სოფლიდან ანუ ჩემი ბნელი რეალობიდან:  
იცდი, სანამ ხელს არ გამოგიწვდი, რათა  
ჩამჭიდო. მზე გაბრწყინდება!

# 20 თებერვალი

ხუთშაბათი :  
2025 :

რიგითი ჟამის VI კვირა [II], მწ

დაბ 9,1-13; ფს 101; მარ 8,27-33

მომცილდი, სატანავ! ღვთისას რომ არ ფიქრობ,  
არამედ ადამიანისას მარ 8,33

პეტრემ სიმართლე უთხრა იესოს: „შენა ხარ ქრისტე“. თუმცა იგი ვერ ეგუებოდა იმ აზრს, რომ ქრისტეს უნდა ეტანჯა. პეტრე თავისი ადამიანური აზრებითა და ბრახვებით მისდევდა მას და არა ზეციერი მამის მიხედვით, ვინც ჰვარზე სწირავს თავის ძეს ადამიანთა გადასარჩენად. მამას სჯერა, რომ დედამიწას ველარ განაახლებს წარღვნა, არამედ იესოს სისხლი, მისი სიკვდილი და აღდგომა. ეს არის ნამდვილი, მარადიული ცისარტყელა.

# 21 თებერვალი

რიგითი ჟამის VI კვირა [II], მწ

პარასკევი :

2025 :

წმ. პეტრე დამიანი, ოსტიის კარდინალ-  
ეპისკოპოსი, ეკლესიის მოძღვარი +1072

დაბ 11,1-9; ფს 32; მარ 8,34-9,1

ვიწა ჩემი გულისთვის დაღუპავს სულს... მარ 8,35

შენი სიტყვა მიცავს, იესო. მსურს სიცოცხლე მოგიძღვნა, რათა ემსახუროს სიყვარულისა და მშვიდობის შენს სამეფოს. გმადლობთ იმ წუთებისთვის, როცა შენი სიყვარულის გამო ჩემი არჩევანი უარვეყავი და შენ მიჩვენე უკეთესი და შედეგიანი გამოსავალი შენი სამეფოსთვის. შემეწიე, სულს წმიდაო, რათა მთელი გულით შევიყვარო იესო!

# 22 თებერვალი

შაბათი : წმ. კვირე მოციქულის საყდარი, დ, [ს], თ

2025 :

1პეტ 5,1-4; ფს 22; მთ 16,13-19

შენ ეს გამოვიცხადა არა ხორცმა და სისხლმა... მთ 16,17

იესოს შეცნობა ადამიანის უნარის, ძალისხმევის ან მისი დამსახურების შედეგი როდია. ეს მადლი ზეციერი მამისაგან გვებოძა, ვისაც ყველა თანაბარი სიყვარულით უყვარს და მზადაა ეჩვენოს მას, ვინც მას მდაბალი გულით ეძებს. დღეს ჩვენ, ეკლესიის შვილნი, მადლს ვწირავთ და ვლოცულობთ რომის პაპისთვის, ჩვენი პირველი კატეხისტის და მოძღვრისთვის. მისია, რომელსაც იგი ასრულებს, უფლის სიღრმისეულ შეცნობაში დაგვეხმარება.

# 23 თებერვალი

რიგითი VII კვირადღე, «მ», [III], მწ

პვირბ

2025

• [წმ. პოლიკარპე, სმირნის ეპისკოპოსი და წამებული, +155  
• (10.11) წმ. ღირსი იოანე ტიმფიმელი VI, მთარგმნელი]

1მედ 26,2.7-9.12-13.22-23; ფს 102; 1კორ 15,45-49; ლკ 6,27-38

მ. სტეფანე დემურიშვილის გახსენება (+1938)

ეველას, ვინც ცხხოვს, მიეცი ლკ 6,30

ამ სიტყვით მიამიტობისკენ როდი მოგვიწოდებს. თუკი თაღლითს ვაძლევე, ამით თაღლითობას ვახალისებ და ნამდვილ ღარიბებს, ბევრ ადამიანს, შემწეობას ვაკლებ. დიახ, გული და ხელი ყოველთვის გავხსნათ, მაგრამ მათ სულიწმინდის სიბრძნე და წინდახედულება უნდა მართავდეს. სიკეთის კეთება აღზრდასაც ნიშნავს და აღზრდა ზოგჯერ უარის თქმასაც ითხოვს. ამიტომაც მართავს ეკლესია ჩემს ქველ საქმეებს მათი მეშვეობით, ვინც „კარიტასში“ მოღვაწეობს.

# 24 თებერვალი

ორშაბათი :  
2025 :

რიგითი ჟამის VII კვირა [III], მწ

ზირ 1,1-10; ფს 92; მარ 9,14-29

ღვთის სიტყვაა სიბრძნის წყარო. ზირ 1,5

ღვთის სიტყვა! კრძალვით მიღებული ჩვენი მწყემსების ბაგეებიდან საკვირაო წირვაზე – და შეძლებისამებრ, ყოველდღიურად, პირადად ლოცვებში განაზრებული – ჩვენ, უფლის საყვარელ შვილებს, ჭეშმარიტი სიბრძნით აგვაგსებს. ასე შევძლებთ ჩვენც დროდადრო მივუძღვნათ იგი ჩვენს დაძმებს.



# 25 თებერვალი

რიგითი ჟამის VII კვირა [III], მწ

სამუშაოთი :

2025 :

(12.11) წმ. ღირსი პრობორე, იერუსალემის  
ჯვრის მონასტრის ამშენებელი, XI ს

ზირ 2,1-11; ფს 36; მარ 9,30-37

ვინც მიიღებს ერთ ასეთ ბავშვს ჩემი სახელით,  
ის მე მიმიღებს მარ 9,37

იესო მოწაფეებთან ერთად დაადგა გზას იერუსალიმისკენ. მას მერე, რაც დედაქალაქში ჩავიდნენ, მოძღვრისაგან შეგულიანებულნი, სხვადასხვა მსახურებებზე იწყებენ ფიქრს. აქ უკვე იესო მოქმედებს, რადგანაც მისი გეგმები სულ სხვაა. მისი სამეფო გულისხმობს მსახურებას და არა მბრძანებლობას.

# 26 თებერვალი

ოთხშაბათი :  
2025 :

რიგითი ჟამის VII კვირა [III], მწ

ზირ 4,11-19; ფს 118; მარ 9,38-40

სიბრძნის მაძიებელნი სიხარულით აღივსებიან ზირ 4,12

წმინდა წერილში სიბრძნე თან ახლავს ღმრთის მოშიშებას, ანუ მის მიმართ ძლიერ და ნაზ სიყვარულს, იმის შიშით, რომ ოდნავადაც არ დაამწუხროს იგი. ვისაც წინ მიუძღვის ეს სიბრძნე და წმინდა მოშიშება, შეიცნობს სიხარულს, ჭეშმარიტ სიხარულს და უშურველად გასცემს მას.

# 27 თებერვალი

რიგითი ჟამის VII კვირა [III], მწ

სუთხაბათი :

2025 :

წმ. გრიგოლ ნარეკელი,  
აბატი და ეკლესიის მოძღვარი + 1005

ზირ 5,1-8; ფს 1; მარ 9,41-50

თუ მარილი უმარილო გახდება,  
რითაი შეაწყოებთ მას? მარ 9,50

გმადლობთ, იესო: შენი სიტყვები, რასაც მოგვმადლი, ცხოვრებას აზრს და გემოს მატებენ; შეგვეწიე, რათა შენმიერი გულით მივიღოთ ისინი და კეთილი ნაყოფი გამოვიღოთ. არ დაუშვა, რომ ჩვენი ცხოვრება იმ მარილს ემსგავსოს, რომელსაც გემოს დაკარგვის შემდეგ ქუჩაში ყრიან და უვარგისობის გამო თელავენ.

# 28 თებერვალი

პარასკევი :  
2025 :

რიგითი წამის VII კვირა [III], მწ

ზირ 6,5-17; ფს 118; მარ 10,1-12

ყოფლის მოშენება იცის მეგობრის არჩევა ზირ 6,17

მეგობრებს ძლიერი ზეგავლენა აქვთ: შეიძლება დაგვეხმარონ ან შეიძლება გვაზარალონ. ნამდვილი მეგობრები გვეხმარებიან საღი, გონივრული არჩევანის მიღებაში და არა მხოლოდ გართობაში. ნამდვილი მეგობრები გვეხმარებიან, რომ მოვიპოვოთ აწმყო ცხოვრებაც და მარადიული ცხოვრებაც. მეგობრებთან ერთად მივაბიჯებთ სიცოცხლის გზაზე და ერთმანეთს ვექომაგებით.